

《華嚴經普賢行願品》 補充講表

◎附表十（以下糝合慈舟大師《普賢行願品親聞記》）

○剝皮為紙，析骨為筆，刺血為墨……積如須彌。

◆身命為人難捨者，以有志願之鼓勵，故亦不難。如為區區名利而走險者，尚能犧牲身命，何況為求廣大菩提，有何難捨！《集一切福德三昧經》云：「釋迦牟尼佛，因地為最勝仙人時，……」，此約事說也。再約理言之，修觀行，觀色身無非父精母血，與業識因緣和合而有，「因緣所生法、我說即是空」，作空觀，即將我空觀法，寫於身上。再觀五蘊諸法，但假名而已。作假觀，即將假觀法，寫於身上。再觀空有不二，即將中道第一義諦法，寫於身上。是故約理，人人皆可做到。觀行得三昧時，剝皮析骨刺血，事上亦可做到。

*空觀：觀緣生無性，即觀真諦理。特性：無真實性，有變異性，無自主性。從假入空，不住有（非有）。

緣生：緣含攝因之故，緣生即因緣所生法，所謂一切法本來無生，但由因緣聚會，而顯現諸法。即一切法乃為因緣和合而顯現之假相，如幻如化，如鏡中像，如水中月。無性：以性（自性）乃本具，更三世而不易，不是由因緣聚會而生的。故無性是說明因

緣所生法，但有相而無性也。

※《中觀論》觀四諦品云：「未曾有一法，不從因緣生，是故一切法，無不是空者。」

*假觀：無性緣生，觀俗諦理，十界染淨緣起。從空入假，不住空。

※《中觀論》觀四諦品云：「以有空義故，一切法得成，若無空義者，一切則不成。」

*觀空有不二（即是中觀）：

※《大乘起信論》云：「雖念諸法自性不生，而復即念因緣和合，善惡之業，苦樂等報，

不失不壞；雖念因緣善惡業報，而亦即念性不可得。」

○乃至樹下成大菩提，……乃至示現入於涅槃。

◆八相成道，皆果上之用也。初句舉一成道，末句舉一涅槃，以該八相。

△「神通」：妙用難測曰神，自在無擁曰通。目的：為引導眾生開示悟入佛之知見。

※《華嚴疏鈔》云：「阿羅漢證得宿命智與天眼明，或知、或見過去乃至未來，一至八萬

劫以內之事，超過八萬劫以上之事則無法知，所以稱為不滿；天眼但見三千世界，「漏盡」不盡所知。唯佛所證三明，知能遍、能滿。」

◆聲聞緣覺欲至遠處多時乃到，以其不得如意通故。諸佛菩薩一念能至十方世界，以其所得如意通故。

※《華嚴經十通品》云：「如一世界，如是百世界、千世界、百千世界、百千億那由他世

界，乃至不可說不可說佛剎微塵數世界中所有眾生心悉分別知。是名：菩薩摩訶薩第一善知他心智神通。」

△「起種種變化」：轉換舊質名「變」，無而忽有名「化」。此變之與化，佛及菩薩皆能為

之。例如示現種種身，教化一切眾生。

◆轉變：變身大小不定，或變山河大地，乃至變一切物，皆令隨心。

◆聲聞緣覺化現大身不能入小，化現小身不能容大。諸佛菩薩化現大身滿三千界，能以大身入一塵中，化現小身猶如微塵，能以小身容受一切。

△「現種種佛身」：即是方便示現，從用而言：應以何身得度，即現何身而為說法。或現大身，或現小身也。

△「圓滿音」：佛以一音演法，眾生隨類得解，乃成熟眾生也。

○如今世尊毗盧遮那，如是盡法界、虛空界：我皆隨學。

◆以毗盧遮那佛為比例，毗盧遮那佛一切因果，我皆隨學。如是十方三世一切佛剎，所有塵中，一切如來，若因若果，我亦皆願學也。念念中，學十方三世佛因及果，此普賢之所以為普賢也。會觀想者，學一佛即是學一切佛。第一禮敬諸佛，乃至第十普皆迴

向，隨力隨分，皆隨佛學。每日上殿過堂，聽經學戒，心心念念學佛無間。佛因圓滿，佛果亦圓。

○復次，善男子！言恒順眾生者。

◆「恒順眾生」，即隨順一切眾生迴向，十迴向中第七迴向也，順眾生根性而利益之。所順眾生，除佛法界，九法界眾生皆是所順。順者，順眾生善惡根性而度之也。佛一切契真，故應常隨佛學。眾生有善有惡，惡固不應學，善亦不可學。世間善惡，俱違真故，只可順而度之。……菩薩慧眼，將一切眾生照在一心之中，故曰：眾生是菩薩心中眾生，故恒順教化；又智慧心遍法界，知佛是自心中佛，故常隨佛學、恒順眾生。

○如是等類，我皆於彼隨順而轉……如是平等饒益一切眾生。（《普賢行願品親聞記》）

◆此正明菩薩之隨順也。「如是等類」，承上啟下，謂我普賢皆一一隨順而轉。「轉」者，即起觀智也。隨順眾生而起觀智。……「於諸病苦，為作良醫」；有身病則治身病，有心

病則治心病。「於失道者，示其正路。」失道有事、有理。約事，走險道是失道；約理，走生死道，不走菩提道、涅槃道，是失道。「於闇夜中，為作光明。」眾生在無明黑暗中，為彼說法，即是施光明。「於貧窮者，令得伏藏。」約事，指示伏藏金銀；約理，不知修行者，令學佛法，便得寶藏。今知自心之大方廣，即伏藏也。

○諸佛如來，以大悲心，而為體故。……因菩提心成等正覺。

◆佛以大悲為體，常悲眾生，故順眾生，即同佛悲心，得佛歡喜。……然有悲無智，無以救眾生，故曰：因於大悲生菩提心。菩提心即覺心，自覺覺他也。菩薩與眾生早已打成一片，故能自悲悲他，自覺覺他。

※《大乘起信論》云：「如是當念一切眾生，從無始世來，皆因無明所熏習故，令心生滅。已受一切身心大苦，現在即有無量逼迫，未來所苦亦無分齊，難捨難離，而不覺知；眾生如是，甚為可愍。」

○譬如曠野沙磧之中，有大樹王，若根得水，枝葉華果，悉皆繁茂。

◆「曠野」：即曠大野外，無人煙處；喻生死曠野，無依無賴。「沙磧」者：草木不生，百穀不長之地；喻人在生死道中，不長善根。沙磧雖不生百穀苗稼，而有大樹王之根，伏藏於內。根若得水，便可生長。喻生死道，雖不生善根；人人本具之大方廣，伏藏於八識生滅中。若澆以法流之水，便生菩提之樹。諸佛大悲心，即法流水也。開示眾生本具之大方廣，即菩提樹根，亦即佛之知見。以得佛大悲水故，樹及枝葉華果俱長矣。枝喻慧，葉喻定，華喻菩薩行因，果喻菩提妙果。

○生死曠野菩提樹王，亦復如是……成就諸佛菩薩智慧華果。（《普賢行願品親聞記》）

◆「生死曠野，菩提樹王亦復如是」，此總合也。生死喻曠野，菩提喻樹王，迷悟之別耳；迷為眾生，悟成樹王。樹根即眾生者。不觀眾生之相，而觀眾生之性。眾生之性即佛性，故眾生性即菩提性也。「諸佛菩薩而為華果」者，謂從眾生修成故。「饒益」

即利益也，令知有成佛種性，依法修行故。眾生心性，即成佛正因，喻樹根；佛喻樹王，法喻親切。但要見著眾生之佛性樹根，見得真實，自然能向樹根澆水。如念佛要望樹根念，參禪要望樹根參，習觀要望樹根觀。古人云：一念不在，即同死人。不望樹根參禪、念佛、習觀，即是盲修瞎練；然樹王須因圓果滿，故難見。樹根依於教典，諸佛一再指示，故易知。雖易知，而又易迷失。以易迷失故，大樹難以長成。此是修行者入手緊要關頭，宜特加注意，不可輕忽。

○善男子！汝於此義，應如是解。……則能成就供養如來。

◆人人皆可為善財童子，對於普賢菩薩所說之語，要承當起來。平等心，即見自他不二之智慧心故。因此之故利益眾生，自即成佛。一成一切成，決無手已成佛，足仍為眾生之事。以大悲心隨順眾生之性，此非習慣性，即所謂因緣所生法中之中道實性也。

「則能成就供養如來」者，十方三世佛，同共一法身，現在眾生即未來佛。故隨順眾生，「則能成就供養如來。」